



00691

重修南海普陀山志序

普陀在東越大海中梵語補怛洛迦華言小白華釋  
言海岸孤絕處蓋震旦中國一大道場也周遭四十  
里或曰百里自梁貞明中始立佛寺卽不肯去古院  
宋元以來代有創建迨我

聖祖仁皇帝

世宗憲皇帝賜額勒碑發帑修建

天章睿藻丕煥祇林洵爲海外名山第一香剎山中僧寮不  
下七十餘所緇流及外方掛單約計一千餘衆田產  
無幾齋糧不給余宰是邑心竊憫之而力未能逮會

普陀山志

王序

一

有佃民余姓等與山僧互爭新漲沙塗余申詳大憲  
所有朱家尖竹頭浦順母塗等處塗場五千三百餘  
畝可築塘成田者二千餘畝應請推廣

皇仁歸僧報墾并會同鎮海郭明府親詣塗場勘丈始得  
徧歷寶山佛前頂禮有前寺承恩堂鴻崑上人者戒  
律精嚴功行苦卓恒以纂修山志爲己任怡泰遠亭  
表弟上舟山景行書院講席囑余轉丐代爲增修余  
按是志前後兩寺共有二本康熙三十七年前後兩  
寺同請裴璉修輯稿成後寺旋即授梓前寺又延朱  
謹陳璿二公增削至四十四年始梓遂與後寺所刊

小同大異乾隆四年後寺又請許琰重修鐫板行世而前寺所刊斯志迄今又逾百年其間沿革廢興雖枝誠不可稍緩返棹後山僧將入志各條函寄來署囑遠亭表弟取舊志詳加考訂汰其有餘補其未備詞不涉于支離例必歸諸典要閱一載纂輯甫畢分爲二十目就簡刪繁瞭如指掌書成索序于余余曰九華峨眉五臺與普陀同爲諸佛說法道場然三者皆在內地惟普陀遠隔重洋迥殊塵境而四方梯山航海函香膜拜者較他處尤盛此皆

列聖崇信禪宗神光普照而釋子之徒咸得優游蘭若守缺

普陀山志

王序

二

抱殘蒐輯山乘以垂久遠披是志而海山之形勢洞壑之幽奇殿宇之輝煌示現之靈異胥在乎是共仰佛力之慈悲益徵

聖恩之汪濊夫講耕鑿以全慧命哀冊籍以闡淨因二者不可偏廢余旣樂是志之成而并願閭山僧衆持戒安禪羣體

列聖加惠雙林神道設教之至意此余之厚望焉是爲序時道光十二年壬辰三月望日

欽加通判銜知浙江寧波府定海縣事加三級金陵王鼎

勲題

重修南海普陀山志序

南海普陀山觀音大士說法道場也昉於梁貞明  
宋元而後代有修建我

朝尊崇倍至巍煥增新砌琉璃之地道五色蓮花裝瑪瑙  
之天宮七重竹樹峙名山于海外成勝院乎寰中此  
皆

列聖神光普照崇信禪宗

題額勒碑

宸章赫濯蠲租發帑

寵錫輝煌緇流得以潛修黎元因而覺悟瞻茲梵宇共仰

普陀山志

陳序

慈航俾清淨寂寞之濱發恭敬慈祥之念神道設教  
有微權焉蓋

聖朝以胞與爲懷佛力以救渡爲量大千世界徼普濟之  
慈悲億兆生靈荷

仁恩之廣大

造福於專錫福


壽世卽以壽人幸際恬熙得安康阜有由然矣今者鴻崑

上人重修寶陀山誌再煥大藏經函敬加考訂之詳  
快觀闡揚之偈業追象貝功繼馬鳴開覺路以金繩  
渡迷津于寶筏將見慈雲徧覆共樂世界之清涼行

看甘露均沾普受佛家之富貴謹誌不朽用附厄言  
至於結香火之因緣樂巾瓶之供養以及形勢之勝  
僧徒之繁皆畧而不陳懼贅也是爲序

敕封文林郎翰林院編修

誥授資政大夫兵部侍郎兼都察院右副都御史巡撫江  
蘇等處兼署兩江總督蘇州織造潞墅關監陳桂生  
撰



普陀山志

陳序

二

重修南海普陀山志序

普門距定海縣治二百餘里卽華嚴經所稱補怛洛迦山觀世音菩薩說法道場也五里未至嵐翠撲眉千步尙懸飛濤濺踝凌虛之閣忽峙虹邊殊狀之峯或標島外余流覽圖記企慕山川馳心有年而游諾未果會王青甫表兄來宰是邑庚寅歲余主講于斯近接祇林緬懷卓錫載訪沙界豈憚拏舟庶幾一溯迦蘭之施圍躡履須達之布地顧累牽仍事仍阻幽探迨次年暮春競渡蓮洋克攀蘿徑廕法雲于六合地入三摩揚慧日于九天門開入正海海滋之奇觀

普陀山志

秦序

一

招提之勝槩也于是古龕對佛精舍翻經締交季潭之上人契心曹溪之弟子有鴻崑開士者身列祇洹志殷繙緝守往籍於哀朽蟬斷撫羣言于錦粲珠零乃以山志遺文囑爲讎定余撫是編而竊慕焉夫紺園碧殿沈佺期常賦少林鹿苑龍宮駱賓王亦誇廣果希蹤方外不越中原至若維摩之室遙隔鵬溟彌勒之龕孤撐鰲極此可頌者一也自象教西來妙法東注普賢旣傳願海如來亦有化城然婆娑緣深觀音爲最乘如意輪大方便力濟苦難于五濁拯煩惱于三塗白毫光裏現纓絡之全身金色花旁示栴檀

之瑞相莊嚴具足輔續周施此可頌者又其一也衆  
釋所居非無毀院諸佛伽館不乏市田至若層楹  
椽

宸章煥乎日星免賦蠲租

寵命沛乎雨露鱗鱗碧瓦崇臺則三百朱欄策策烏犍膏壤  
則十千青畝此可頌者又其一也生融之學獅座頤  
參觀肇之名雁堂共仰雖結茆伊始真歇法乳無傳  
開葉相沿大智禪裔莫考然五蘊俱空皆悟無生之  
理諸漏已盡恒持不染之心此可頌者又其一也煙  
波無際時泛仙槎雲壑相鮮屢停客展轉奔雷于谷

普陀山志

秦序

二

底龍氣猶腥盼朝旭于崖巔羊押乍熟飛泉瀝滴宜  
儲調水之符石竇玲瓏忽動買山之計相與參玉笋  
禪禮米汁佛此可頌者又其一也游懷旣愜逸藻獨  
摘賸吟而鉢響頻催紀實而筆花爭舞文疑宿構同  
申般若之宗詩具別裁悉寓毘尼之教正不特公權  
羨其書額元章欣其隸碑此可頌者又其一也在叻  
逆異木自淹通王家拾遺無取繁縟良以靈花忍草  
咸証道心蠕動蠅飛共舍佛性納須彌于葶藶鸚鵡  
呼王悟世界于優曇象猴爲友嗅來薈葡卽是妙香  
聽到頻迦無非瑞雀此可頌者又其一也夫盛熙明

備考於前侯繼高纂志於後處優出劣哀輯不乏通  
儒照軫充箱採獲并多佳手然條流粗立典要未明  
欲煮鬯以燒薰必籛糠而揚秕附名欲傳不朽定文  
須恃相知又况鳳毛龍甲孰與收藏烏剝蟲穿每虞  
散佚洵貫串之匪易翳譏正之誰艱乃蒙駟虎名宗  
食鳩上品丐余增訂索我弁言幸舊本之猶存遂新  
編之競製合是非于一口審得失于寸心勿錄者豈  
是遺珠所登者要皆完璧督繩削墨共辨毫釐縷晰  
條分聿昭經緯遂使貝文快睹手眼化以千千秘典  
齊宣生靈度乎萬萬武谿龍澗恍披廬岳之圖金闕

普陀山志

秦序

三

瑤臺疑討瀛洲之記時道光十二年壬辰三月三日  
原任兵部武庫司候補郎中秦耀曾序



重修南海普陀山志

凡例

一兩寺蒙

仁皇帝御筆題額肇錫嘉名

憲皇帝復賜帑金遣官督建穹碑載勒梵宇重新志

天章海隅炳煥前志編入卷內殊非敬謹之意今弁諸

卷首以昭異數焉

一國朝康熙三十七年普濟法雨兩寺同請裘璉修

輯稿成法雨旋即授梓普濟又請朱謹陳璿重加

增削至四十四年乙酉始梓遂與法雨所刊小同

普陀山志

凡例

一

大異茲所修者卽朱陳合纂之志也法雨寺於乾

隆四年復延許琰重修証謬刪蕪頗爲詳慎普濟

自朱陳合纂之後已越百有餘年較之許志固多

缺略且是書每卷開載編輯姓氏或列朱陳裘三

天章人或列陳裘二人或列朱一人成之旣非一時訂

憲皇之亦非一手體例不分難免紕漏余參考許志加

以己意務求簡要不以徵引繁富爲工也

一普陀元盛熙明始爲考明侯繼高乃爲志實爲表

章靈秀之濫觴國初內徙時隱秀菴僧普授負志

重板藏之郡城兵燹之餘寺中文獻足徵厥功甚鉅

後寺所刊裴志紫竹林尙存一冊殘缺不完難資  
稽核茲所修朱陳合纂之志就後寺許志所增并  
廣爲採訪俾百餘年間事蹟粹然可辨不敢冗亦  
不敢略也凡篇中所引瑤洲編者曰許志朱陳纂  
者曰舊志云

一舊志形勝門內山海并提固屬主腦不清許志先  
提海字鋪張再疏普陀洛迦明普陀之在南海也  
然南海幅員甚廣篇中所引與普陀毫無關涉今  
將海字一段刪去首載普陀洛迦山較爲直捷

一真歇古鼎祖芳潮音別菴諸公俱有語錄行世究

普陀山志

凡例

二

一志梵貝者自可另加披閱志內未能悉載至法統  
一門各師名下復敘上堂偈贊其簡潔者畧爲採  
擇過于冗長者概行刪削

一事畧一目原以散見之事諸門不便入者舊紀于  
此蓮洋牛港金鉢孟山形勝旣已登載王舜吳斌  
史浩數條又與現示相複今悉刪去

一方物雖極瑣碎亦足以資見聞舊志以山茶名海  
棠不知蒼荀爲梔子許志駁之誠是至增穀馬一  
條以蔬中番薯躡鷓附之亦未允當今悉爲更正  
至于山中鳥獸開載綦詳刪鳥存獸其意安在今

仍其舊

一分野之說起于班固取十二次配十二野先儒多有疑之者況名山奧區皆統于都邑普陀蜿蜒不過數十里何必拘星野之說牽率附會乎

一不肯去古院賜額寶陀幾二百餘年本朝

兩聖睿藻天題疊昭曠典兩寺法界莊嚴雄于疇昔他如磐陀庵亦經明季賜額而

天寵未加終難齒數故前後寺另別梵刹而各庵創造廢典則散見於精藍焉

一靈感示現二門俱載旃檀像亡指及梵僧焚指事

普陀山志

凡例

三

一示現經證二條又可列于緣起今將靈感改爲靈異重複者刪之而示現緣起并列于經證之內

竊末舊志有緣起經證各條只就熙明品中鈔出似嫌

太畧許志刪之不爲無見第四方皈心頂禮者甫

謁名山豈能盡通竺典今將各項不必分門統名

一經證并增入數條俾菩薩妙應圓通開卷了然羣

生共深悲仰

一供佛齋僧端賴法產普陀自宋元以來給賜田頃

僅存其數本朝

聖祖仁皇帝蠲免租賦併許運米出海

天寵疊加至優極渥有

諭旨列于法產卷內以垂永久至各菴旧址在山巖者不可

勝載第就前後兩寺產業登諸簡冊他如規制定約舊志前寺畧而後寺詳今悉補錄

一梵刹專指前後兩寺而言其餘小菴俱入精藍所  
以示區別也舊志精藍中各菴只載緣起間有敘  
及興廢者獨海岸菴前旣註明舊名三元殿末復  
將海岸菴後記攔入未免重複且與體例不合今  
改入藝文中以昭劃一

一山中舊有十二景而舊志古蹟中只載短始道頭

普陀山志

凡例

四

不肯去院太子塏三條未免遺漏今十二景旣散  
見于形勝精藍靈異各卷中古蹟一門可刪

一舊志頒賜與施賜不分本朝命使資金并賜碑賜  
額賜人參等物忽列于古蹟門內尤爲錯亂今將  
頒賜後繼以施賜命使附焉古蹟卷末頒賜數條  
刪去

一歷朝文藝存之以表揚名勝舊志序記與贊偁同  
載旣無區別復以釋氏藝文錯出其間至釋海觀  
白香山繪西方極樂世界圖引香山詩說二篇與  
普陀毫不相涉并列王醇贈秋水開士詩尤謬今

一悉刪去釋氏藝文另爲一門贊偈附釋氏詩詠後  
 一前志流寓只載梅福安期葛洪王天助及建文帝  
 數人殊爲缺畧末忽將頒賜附載亦覺夾雜不清  
 一合依許志補入林增志吳鍾繼二人俾前明踏海  
 孤忠姓名不虞湮沒至頒賜數條概行刪削  
 一舊志兩寺住持歸入法統各菴釋子經營創建戒  
 律恒深亦號住持不獨兩寺方丈爲然許志禪德  
 小引內并未揭明而卷內淡齋諸師名下又註明  
 皇會爲住持與法統未免相混今法統住持以方丈  
 一言而禪德住持名同而實異焉法統後祖增附

普陀山志

凡例

五

一前後兩寺蒙世宗皇帝命而實異焉法統後祖增附  
 聖祖仁皇帝命而實異焉法統後祖增附  
 世宗憲皇帝命而實異焉法統後祖增附  
 宸額穹碑祇林焜耀旣恭列簡端而書文未盡其詳志輒  
 國朝事實散見于各類者復行詳載足徵佛國名山登巖  
 寵眷後先輝映卷目不必另編至取遺缺於前附  
 一泉石殿閣必經目睹方敢登諸翰墨所以傳信也  
 至山中菴院多至數十處今昔殊觀亦時勢使然  
 於每條中詳記廢興以俟後之君子考証焉耳  
 一前朝志本只載釋子數十人并未傳其譜系後分

法統禪德二門元教宗風畧具梗槩支派亦未能  
盡詳茲依舊志登載亦闕疑之意云爾

一詩文採選過濫徒以飾觀終嫌蕪雜今量爲採擇  
補增數十篇以廣舊志所未逮至若史浩黃龜年  
周俊元劉堯賓人與詞互換者俱依許志更正

一精蓋中如平山洞小山洞等庵漏載十餘處今悉  
增入至各庵沿革縉流功行攸關興廢俱詳註明  
俾修建始末於茲可見

普陀山志

凡例

六

普濟修建處所

道頭牌樓一座新建 正趣亭一座新建 石牌坊一座新建 檯

星門三間新建

御碑亭三間新建 東西角門二座新建 瑤池永壽八面亭一座

白石平橋二座 旗竿二座新建

萬壽亭五間新建 鐘鼓樓二座新建 天王殿五間新建 延壽祠碧

峯祠六間新建 東西垂花門二座新建 東伽藍殿長生堂

六間新建 西祖師殿崇德堂六間新建 大圓通殿七間新建

東西轉角羅漢堂十六間新建 瑞日樓五間新建 慶雲樓

五間新建 齋戒廳五間新建 方丈五間新建 戒堂五間新建 藏

普陀山志

凡例 處所

經閣七間新建 護法堂五間新建 得月樓六間今廢 內垂花

門一座新建 獅子窟五間 東西後廂耳房十四間新建 齋

樓十二間新建 倉寮房六間 禪堂五間 天字樓五間 煙

霞館五間新建 側屋三間新建 內廚房樓四間 庫樓房七

間新建 大廚房七間 廂房四間新建 大字照牆一座新建 亭

亭一座新建 龍王堂土地堂六間新建 關聖閣三間新建

原在公文武姓名

原任紹協副將汪虎山

堤標後營遊擊陳有倉

原任萊州府知府王坦

寧波府同知程候本

台州府同知胡文溥

提標前營守備沈國壽

定標左營守備駱天榮

象協中軍守備胡大成

試用通判曹秉泰

原慈谿縣知縣劉國傑

試用知縣程煜

試用知縣黃炅

原泗水縣知縣王瑛

普陀山志

凡例 建所

候選知縣徐欽

試用州同朱傅烈

試用州同李懷瑾

試用知縣宋武元

慈谿縣縣丞董昂霄

嚴州府經歷周鵬

普濟寺住持僧源正

普濟寺總僧本善



助山田碑記

署浙江定海直隸廳理民分府加三級紀錄十次王爲  
請示勒石以垂永久事據普陀普濟寺住僧悅泰呈稱  
道光拾玖年二月間有本寺分支之承恩堂僧鴻崑因  
本寺與法雨寺慧濟禪林齋糧不敷僧衆待哺不忍坐  
視將自置治下朱家尖白沙港田地山塲一畧助給本  
寺又所置朱家尖小洞畧田地陸拾貳畝入本寺中無  
恒產之分房各菴其花息每年由本寺收歸轉給又將  
所置西荷花池墳頭山壹畝助入法雨寺又田貳拾畝  
助給佛頂山慧濟禪林添補齋糧其契蒙

普陀山志

一

陳前憲蓋印給寺在案茲恐後僧蕩廢呈請勒石示禁  
以永久遠等情查該寺僧悅泰卽以承恩堂僧鴻崑自  
置田地山塲助入各寺普濟齋糧呈請給示以垂久遠  
洵屬善舉除將各契核發外合行示禁勒石爲此示仰  
該寺方丈並各僧人等知悉爾等毋許將該僧鴻崑所  
助各寺田地山塲日久蕩廢如敢故違許該寺方丈僧  
指名稟

府以憑按律究辦決不寬貸各宜凜遵毋違特白

道光二十三年三月

日給

一白沙港田地山場壹闡一統在內每年花息承助於普濟寺添補大衆齋糧

一朱家尖土名小洞畝田陸拾畝零承助於普濟寺所轄各菴之無恒產者每年秋收租穀照數分給其山樣地租承爲大寺各殿燈油

一朱家尖永泉菴後土名坡頭山壹則承助於法雨寺收花添補大衆齋糧

一朱家尖土名西荷花池田式闡二十畝零承助於佛頂山慧濟禪林添補齋糧今佛頂山將此田轉助於前寺執管收花承爲冬間應供師到山口糧因各菴

### 普陀山志



一一

弁佛頂山捐米艱難自茲以後不捐各菴每年將此花息給發米七石又各菴荳腐錢一千二百文香期完後過海解錢二千文均係本寺給發嗣後永不得向各菴捐米此知

一西荷花池土名兵船灣田地山場一畝歸與本菴每年收花承爲世守以代白沙港祖業



三圖

山名選佛

摩訶



潮音洞

梵音洞


聖母娘娘

四圍

普陀夕照

圖五

法華靈洞



歌陽湧日

圖六



梅岑仙井



華頂雲濤

圖七

千步金沙





寶塔開鐘


圖

光熙亭



蓮池夜月

圖九



重脩南海普陀山志目次

卷之首

天章

卷之一

形勝

卷之二

建置

卷之三

梵刹

卷之四

普陀山志

目次

頒賜 施予 命使

卷之五

經證

卷之六

靈異

卷之七

法統 祖塏附

卷之八

禪德

卷之九

精藍

卷之十

流寓

卷之十一

法產

卷之十二

方物

卷之十三

事畧

卷之十四

普陀山志

目次

舊章

卷之十五

歷朝藝文

卷之十六

國朝藝文

卷之十七

釋氏藝文

卷之十八

歷朝詩詠

卷之十九

國朝詩詠

卷之二十

釋氏詩詠 讚偈附

普陸山志

目次

三

天章

普陀羅迦山普濟禪寺碑記

稽考梵書補陀羅迦山有三一居厄納忒黑一居心  
白忒一居南海卽是山也本山誌書未得其詳當年  
海寇猖狂凡禁海之外寺宇梵刹皆爲灰燼自康熙  
二十二年蕩平臺灣海波永息故遊方衲子因舊基  
址斬蓬蒿刈藜藿而更新焉朕時巡浙西特遣專官  
虔修淨供敬書題額永鎮山門復發帑金重修寺宇  
務俾殿堂廡牖丹碧華燁夢椽煥美而一木一石悉  
出公家一夫一役不煩民力上爲

普陀山志

卷首 天章

一

慈闈延禧下爲蒼生錫祉也朕自弱齡誦讀經史以修齊  
治平爲本未暇覽金經貝葉空寂泡影之文所以不  
能窺其堂奧槩而言之元者善之長也佛者以善爲  
本推而擴之大約無二上天好生化育萬彙大士慈  
悲度盡衆生亦無二也朕求治勤民四十餘載矣今  
者兵革已銷而民生未臻康阜梗頑雖化而民情未  
盡淳良皆因水旱靡常豐歉各異此朕寤寐孳孳不  
能釋也以大士之力庶幾慈雲法雨甘露祥風使歲  
稔人安萬姓仁壽則普濟之鴻功卽時雍之上理是  
朕之心也夫爰書翰簡勒諸穹碑垂示無盡云

御筆

康熙四十三年歲次甲申嘉平月上旬書

之寶

南海補陀法雨寺碑文

蓋聞圓通妙象般若真源開覺路於金繩大地證菩提之慧聞潮音於碧海恒沙誦普度之聲紺殿維新滄波永靜惟茲法雨寺者南海補陀山大士之別院也名山佛國大海慈航青嶂干霄高逼梵天之上洪

普陀山志

卷首 天章

二

濤浴日祥開淨土之場一柱如擎震且指爲名勝三山可接方輿記其神奇值氛祲之震驚致山川之閭寂僧徒雲散佛宇灰飛比者運值清寧慶海波之不作地連溟渤望法界而知歸特頒內府之金重建空王之宅鳩工揆日葺屋不勞庀材築基磬鼓弗作珠宮貝闕涵聖水以無邊鼉柱鼉梁覺迷津之可渡坐青蓮之寶像圓滿輪輝藝紫竹於祇林莊嚴毫相瞻慈雲之普照錫法雨之嘉名海若效靈天吳護法標霞高建來萬國之梯航彼岸可登作十方之津筏藉其廣大上以祝

聖母之遐齡假此慈悲下以錫羣黎之多福則旃檀香外  
盡成仁壽之區水月光中悉是涵濡之澤勒諸琬琰  
昭示來茲

御筆

康熙四十三年冬十一月十五日書

之寶

御製普陀普濟寺碑文

普陀洛伽山爲觀音大士示現之地歷徵靈應自梁  
貞明中始立佛寺宋元以來代有修葺我

皇考聖祖仁皇帝巡幸浙西遣官興建殿宇上爲

普陀山志

卷首 天章

三

皇太后祝禧

御題賜額勒文豐碑以紀其事山靈擁護

聖蹟丕昭朕纘紹鴻基於茲十載念茲山爲古聖道場瑞

像神光靈異顯著重以

聖祖皇帝宸翰留貽尤宜敬謹崇奉爰特發帑金重加修

飾專官往董其役經始於雍正辛亥年九月越雍正

癸丑年六月工成朕惟天下名山大川皆扶輿積厚

之氣磅礴而融結普陀秀峙海壖迥立於天風紫濤

浩渺無際之中尤靈秀所萃聚宜其爲仙真之所棲

息况大士以慈悲濟物爲心隨聲赴感無所往而不

在其示現在一時實無時而不示現神通感應不可  
思議卽示現與不示現舉可不論也今夫佛法廣大  
無邊大海包含無際億萬百千里不足以測海之廣  
而一勺未嘗非海也億萬百千法不足以盡佛之相  
而一法無往非佛也今以大海視普陀一拳石耳而  
菩薩現相之場善衆皈依之地泛慈航於彼岸結寶  
筏於迷津證普渡之慈緣顯弘深之願力珠宮在望  
香界重新寧不與鷲峯鹿苑均爲淨域之名區也歟  
用爲斯記鑄諸翠珉以志靈山之勝概

雍正十二年正月十五日

普陀山志

卷之首

天章

四

和碩果親王臣允禮奉

敕敬書



重修南海普陀山志卷之一

江蘇金陵

王鼎勳青甫參定

秦耀曾遠亭編輯

普濟寺住持能崙鴻崑校訂

形勝

震旦中國名山道場多矣而山川形勝之奇普陀爲最圓寮瀟灑懸壑堵於龍堂方丈崇宏轉相輪於鷲嶺布金以住蓮洋之法苑常開挂衲而前蓬島之丹邱遙接濤聲嶽色祇林鬱其雄橫竹篠松釵淨土颺其瑞靄洵世外之精廬永寥軼乎塵陌者也志形勝

普陀山志

卷之一

形勝

一

普陀洛迦山

一名補陀華嚴經又稱補怛洛迦山蓋梵名也猶華

言小白華云在今

御名定海縣之東距縣百餘里孤峙海中蜿蜒綿亘縱橫各十里許周遭四十餘里或云百里也東控日本北接登萊南亘閩粵西通吳會實海中之巨障其最高者如白華頂錦屏山光熙峯大小雪浪山象王峯梅岑峯達磨峯正趣峯此傑出也東盡青鼓磊西盡風洞嘴南盡道頭楊梅跳北盡伏龍山此四境也小洛迦山峙其東南翁洲諸山綿其西北月鰓拱其南

霍山映其東北此四望也山之概東多而西少水之概南深而北淺外多平岡幽洞內多崇巖曲澗焉

佛經稱地藏普賢文殊觀音諸道場曰地水火風爲四大結聚九華地也峩肩火也五臺風也普陀水也然池州地介江表蜀晉稍遠亦在內地獨洛迦孤懸海外洪波巨浸盪浴日星吐納煙霞巖洞之靈現系蓮竹之華噴香貢舸賈舶萬里絡繹信宇宙間絕大奇觀矣

洛迦諸山半土半石所名巖峯洞窟皆石也水經注云積石磊砢相挾而成此山有焉雖無層崖複壁玲

普陀山志

卷之一 形勝

二

瓏聳峭之觀而奇險詭幻洞壑天然大都危石若懸度石若舉墮石若扶崩石若斧成形肖像不一而足柳子厚所稱熊羆之上山牛馬之飲溪者滿山星羅而棋布也

山中石剖之俱白質黑章作花竹草木狀濃淡工細如畫僧云經稱紫竹旃檀林故石亦俱是相也或言惟潮音洞南天門爲然及觀小山洞壙前沙俱如此則他石可知但近寺石不敢採斲故不識耳

白華頂一名菩薩頂高五里餘巔員而平約廣二十餘畝地迴多風杳無林木上有石亭俱石佛其中

光熙峯在白華頂之左一名石蓮花又名石屋望之峯  
石聳秀林木森蔚

錦屏山在光熙峯左法雨寺之坐山也環若列屏巒石

晶瑩林木青碧加以白葩丹蕊開放四時揜映如錦  
故名

踞獅峯在東天門上奇石蹲踞如獅雄特可畏舊稱白  
衣峯因與南山重見大智禪師建庵時定此名以別

之

雪浪山在白華頂右上多白石鷹巖出焉朗朗然輝映  
林木如積雪如湧浪也或云下望海潮故名雙峯疊

普陀山志

卷之一 形勝

三

時亦稱大小雪浪云

蓮臺山與石屋接中有蓮臺洞

青鼓山東境又名青鼓磊其麓瞰海處即為梵音洞此

山本與洛迦大山相隔自飛沙成舉漸相聯絡無潮

汐之阻矣

詳見飛沙壘磊一作樓非

茶山在白華頂後自北亘西其地最廣中多溪澗山上

多產茶茗僧於雨前採摘供用可治肺癰血痢又有

山茶花樹高數丈冬春之交丹葩被谷若珊瑚林

伏龍山一名龍頭山在東北境與茶山相接蜿蜒如游

龍出海或云小山洞乃其珠也登高望之儼若攫然

翔鳳峯翔舞如鳳也在朝陽嶺東嶺以山得名

圓應峯在朝陽嶺北

天竺山在東北茶山盡處山之以刹得名者

象王峯一名清涼岡在雪浪右崇岡逶迤迭起三峯東  
峯高與雪浪將埒面臨東洋其下爲千步沙皆爲圓  
通嶺稍伏爲煙墩峯舊設斥堠處也南折則爲觀音  
峯一帶南山矣

几寶嶺在東南境寺之青龍山也山石磊落如珍寶委  
積几上故名山之椒卽爲几寶嶺俗訛饑飽陋甚

煉丹峯在几寶嶺上相傳羽客煉丹於此下有仙人井

普陀山志

卷之一

形勝

四

舊志稱子真然稍南又有葛洪井亦未可定屬也

白衣峯在東天門上按光熙峯側亦有東天門此峯不  
知何屬以峯下白衣院推之則宜在後而覽舊圖又  
列南山姑從之

妙應峯在白衣峯西

觀音峯在寺後山之左鉅石隆起高五丈周百丈平巔  
豐下狀如覆蓮西北面更嶽嶽可愛東偏之石惟此  
峯爲高西則達磨隱相望也

靈鷲峯在寺後正南寺之主山三石巉峩竝立東峯倍  
高約二丈昂頭尖喙宛如定鳥故以靈鷲名焉

達磨峯在鷲峯之右大石矗峙十餘丈銳首豐背膚離中合遠望之如入荷物而立面西將行也其北面刻曰瀛洲界石元翰林承旨趙孟頫所書題也西面刻曰羅漢石姓名漫滅不可識

塢子峯在西天門下

彌陀峯在塢子峯西

梅岑峯在達磨峯右南山最高處相傳漢梅子真隱修

此山林石幽秀下有丹井清波泓然大旱不竭

正趣峯在梵山右向離兀峙

於寺爲未方

其巔平正如覆釜

孟而稍長細白石磷磷然如嵌球壁寺外之山亘西

普陀山志

卷之一

形勝

五

南而瀕海者皆此峯之支屬也舊稱玉趣峯潮公至喟曰此地爲大士說法道場善財二十八參中正趣菩薩從他方來示現說法經載甚明奈何訛正爲玉耶遂改今名

兩華峯在正趣峯右經言觀自在菩薩與諸大菩薩圍繞說法天雨曼陀華遂名下有兩華庵

梵山在寺南高遜諸峯體莊嚴圓淨而少石寺之案也

外又一峯相連如抱爲外梵山中有壘亦稱梵壘

會仙峯梅岑之右石至此益聳拔廣崖鉅壁往往經數十丈展列如屏溟濛宵靄開安期羨門鸞驂鶴馭彷彿

佛來遊也又名天柱峯皆勒石土左有育恩院今廢  
金剛峯在金剛窟上一云正趣峯西

南山海中正南懸山潮落始通俗名楊梅跳舊無梵宇自潮

公增矧名南天門巨石錯立危踞潮水洗剝巉巖刻  
露高巒浚壑布置天然總鎮藍公理題石曰山海大

觀

觀音跳山在潮音洞右或作眺登此以眺四望也

毛跳山在潮音洞東

六嶠山在西南境六阜聯竝中各有嶠故名六嶠或作

鹿俗作橋非

普陀山志

卷之一 形勝

六

長短山在北境八仙巖後兩

參差竝出

喇叭嘴山在正西亦茶山之麓也自楊梅跳至此俱四至之小山

八仙巖在青鼓磊西近飛沙嶼白石玲瓏似玉異於他

峯

東方巖在茶山前

西方巖在圓通巖西

玲瓏巖在金剛窟西與巫山石相對高十餘丈下削上

突刻劃玲瓏如雕鏤沉香木狀中一石嵌兩峯間從

內視之欲墮從外視之若合奇巧絕倫其右又有數

奇石碁累而上或如蓮座或如朽株或如隻履蛟螭

斑剝異於他石或曰此大玲瓏巖云  
石浪巖在梅岑山腰磐陀石東巖高三十丈石紋如浪  
晚之欲動  
圓通巖在西天門其天石險峻桀梟或凌空孤峙或參  
差排突循行環眺無有闕隔故題壁曰圓通境  
獅子巖在無畏石側儼如狻猊作跳躑之勢

虎巖在東天門上數石倚湊宛然生成  
象巖在几寶嶺上  
兔巖在象巖上馴耳跣居首目宛然  
佛手巖在觀音峯後高者丈許卑者數尺伸如掌長短  
普陀山志 卷之一 形勝 七

如指了了可數  
龍巖在靈鷲峯西下瞰北海自北亘南長三四十丈高  
二十丈蜿蜒天矯俯首欲降脊員而平可跨後山之  
巖此爲最大近巖奇石磊落稍東有方石廣一尋如  
磐陀石狀可容十餘人

獅象巖在几寶山東朝陽洞石之頂一石馴伏如象旁  
一石儼如獅踞回首相向近觀愈肖  
文殊巖在西天門左巒峯雄疊中一石威嚴如象下有

白象庵

鷹巖在雪浪山中昂首銳喙儼若蒼鷹飛集巖際

白華嶺在正趣峯下

旃檀嶺有二一在清涼岡下一在金沙南適潮音洞之道

圓通嶺在東天門左

歡喜嶺在大六嶠

葡萄嶺在小六嶠

青鼓嶺本山下法雨寺東

笑天獅子嶺在青鼓磊北

朝陽嶺在白華頂下

東屏嶺在錦屏山之東卽功德嶺

普陀山志

卷之一 形勝

八

孝順嶺在茶山東

潮音洞在寺左龍灣之麓金沙盡處巖石叢起沙中廣至畝餘齒齒然不可容足從崖至洞脚高二十餘丈岐處如門穹上虛下窅若漏屋當潮水遇風狂號駛奔入洞中鏗訇鏘磕聲若轟雷洞巔有穴孔名天窗倒窺之玲瓏嵌挂險怪百出海濤吞吐盈縮倏忽每浪投孔中扼束上騰飛沫噴沫飄從數十丈下鬢鬚灑面忽驚身之霑濡也蓋潮音之奇不止洞內洞口石門數處巉巖佶屈怒濤排突凌跳沒石淋漓若怒若嬉觀者眩目震耳悻魄墮魂朝山士女向洞叩拜



大士現身不一、隨誠所感、甚或投崖碎體、求生淨土、謂之捨身、有司立石禁止、亦善體我佛慈悲之旨者矣、洞上舊有求現臺、稍進有無梁殿、鐵瓦殿、俱廢、龍女洞在潮音洞之右、石壁巉巖峭嶮、表仄中窟崖上、珠泉噴滴不斷、號菩薩泉、人禱取之、以療目疾、

法華洞在几竇嶺東天門下一路多奇石、洞在重崖廣壁中、孔穴宛轉、彼此可達、狀如靈隱之飛來、但飛來石自玲瓏、竅成石中、而此則方圓鉅石自相累架、如人工結構者、此其所以異也、洞凡數十處、轉折登陟、意欲造彼身、倏歷此、每兩石對峙、下寬上狹、藤蘿蔽

普陀山志

卷之一 形勝

九

覆陰森、恐人或從高欲崩下、石宛轉承接、欲墮不墮、仰之慄慄、此外洞壑頗多、無此層複幽奇矣、朝陽洞在几竇嶺之盡處、複洞轉折、面臨東洋、海濤時吼、其下觀旭者多登焉、

摩尼洞在天籟石東

白雲洞在大雪浪山中

金剛洞在雪浪山腰八卦石之下、深廣三十丈、甲於諸洞、又有金剛窟在西天門左

寶瑤洞在後東天門之左、相距不十步、洞在巖下、不甚深、廣石上刻寶瑤七層故名

蓮臺洞在功德嶺下孤石橫舉狀如片雲下有洞其巔  
平廣可登眺東海

觀音洞在梅岑後右有鸚哥石宛肖

梵音洞山在正東境面大洋東去土窳山盡亦不知彼  
岸何處矣此山名青鼓磊至洞口峭壁危峻石色青  
黝高三四丈陡劈兩崖如門洞深廣百餘丈海潮  
入洞激宕有聲如龍虎嘯吼雷霆怒興聽者悚慄巖  
間架石甃臺禮佛求現者拜不絕踵凡謁洞者先至  
石頂紆迴隨磴而下二三百步然僅至臺而止去石  
根潮嚙處猶數十丈也與潮音洞東南相峙此二洞

普陀山志

卷之一 形勝

十

者靈壤之眉目也康熙三十八年

御書

梵音洞額賜掛五十五年溟撫甘公國壁遣人賁金

俾法雨住持別庵在石臺上架二層上供菩薩下爲  
人士禮拜之地雍正九年 賜帑重建

洛迦洞在梵音洞之西石峻壑深洞脚插海人不可到  
結茅石上者架古木庑蒲團如鳥巢懸綴壽端惴惴  
恐墮也

平天洞在茶山北盡處

梵輿在梵山之中故名俗呼搗飯輿

雨華輿在雨華峯深處內有三教堂

吉祥巖在梵巖西

飛沙巖在八仙巖西其地皆虛沙履之輒陷自東至西  
亘三里濶百餘丈老僧相傳云昔爲淺海明初賈舩  
猶守風其中後飛沙日積漸成邱阜高處至三五丈  
因風崇卑其形無定草木不生曠寂可畏適茶山者  
多取道焉

後巖在茶山背曠土多田

虓虎巖在天竺山下潮聲吼嘯如哮虎然故名

龍灣在梵巖東東山之麓也其地無土積沙成阜

司基灣在南山西境白華峯之嶠也

普陀山志

卷之一

形勝

十一

幽靜灣在金剛窟左兩岸怪石森列巫山上瞰境佳

青石灣在飛沙巖口之左青鼓磊之右麓也海岸皆沙

獨此積青石纍纍亘百餘丈子如鵝卵而大遠望如

堵墻風潮激盪亦不散沒

三摩地在寺西偏嘉木蕭森甘泉清冽寺西最勝處也

山固多奇石至此若會怪峯駢列宋金華記云石有

卧者離立者蹲欲起者墮復留者鳥翔而獸舞者不

可殫狀可稱善肖

藤蘿境在磐陀石東幽徑縈迴奇巖壁立上多古藤翠  
蘿鬱葱蔓繞海天盪漾中另一境界也

清淨境在三摩地舊有清淨亭學士宋景濂有銘今廢  
空有境在寺東勝處詳見無畏石

西方境在西方巖卽題中流砥柱石處

磐陀石山之西境石度石上狀如重臺下石周廣百丈  
高身而銳頂磐陀托焉廣踰下石旁空中倚亦有罅  
間睨之通明縱橫各十餘丈平坦可容百人藉梯始  
登環眺山海洋洋大觀

說法臺石在磐陀東相距百步高若相望大士說法處  
亦可登

五十三參石在磐陀西奇石參差矗立若聽法者其數

普陀山志

卷之一 形勝

十二

未必符蓋述經所云也

二龜聽法石在磐陀西一蹲石頂一緣石直上昂首延  
頸筋膜盡露真稱奇肖

柱空石一石如柱屹立空際

八卦石在雪浪山之巔亂石排空懸崖百仞偃仰倚伏  
不可名狀西面有鉅石危踞石頂搖之則動然不墮  
也八卦未詳何義

馬鞍山在大雪浪山中

雲扶石在西茶山上兩石下如欹鐘上如累碁峻險怪  
特危而不墮上石題曰雲扶下石題曰海天佛國

巫山石在金剛峯側巫山蓋狀其高怪石嵯峨劈一爲兩亦巨靈五丁之所幻也本與金剛同巒因下有金剛窟故上卽爲金剛峯而別此石爲巫山云

不二石在西天門右兩石相去丈許稍參差前後而形模宛似故曰不二高廣各丈許如析珪剖璧之狀一葉扁舟石在不二石南岡有平石廣畝餘儼如虎印千人坐而稍仄卸中載一石實似角菱橫陳其端遠望之宛如扁舟

仙掌石在石浪巖側參差對列如門高十餘丈形如仙掌昔人題曰天設闕關

普陀山志

卷之一 形勝

七

香爐石在圓通巖後

佛牙石在寺後之西巫山石下高一丈頂半凹半突如倒牙也又如幞頭旁有異石非洞非門鬼造神設

鸚哥石在觀音洞側白石竦竚員首細頸而短身酷似鸚哥不類別鳥

天筮石在摩尼洞西義未詳

水墨石在飛沙畧西功德嶺東盡處陂麓間有石鋪三四十丈平無孔突色如水墨渲染其光油然若展綃

穀

點頭石在磐陀石東南高八丈周廣二十丈孤峙平巖

旁懸中湊撼之則動若點頭然與說法臺石相望故名

無畏石在寺東從觀音峯而下數百步高五六丈三面方廣如佛座西稍窪狹蓋觀音峯圓如倒蓮此石方如岸幘也西旁兩石高不及半一如挂衣一如覆釜皆斷崖懸壁不可登陟遊人鉅公勒名其上題曰三一巖又曰空石境又曰海天春曉聯曰寰區昭瑞相刹海遍潮音云

疊子石在佛手巖南磊磊然若疊也

蝦蟆石在龍巖之西修丈許廣半之張頤趺足狀類蝦

普陀山志

卷之一 形勝

十四

蟆青碧文采斑然尤爲奇肖

真歇石在寺後灣真歇庵廢址上以了禪師得名

靈芝石去虎巖咫尺不高而狀特奇中孔突宛如靈芝

慈雲石在葛洪井西高三丈頭如大鳥北向曾稽陶太

史望齡題曰鷺嶺慈雲故名倘有善說齋今廢

鼓石在南天門崖石上體員而高狀若寘叢撼之應空

作響逢逢然如拋鼓

東天門在光熙峯左門上一石特奇門石止高丈許而

上石乃高三倍嵯岒嵌突如花怒開可名石芙蓉也

後山之石以此爲傑矣又虎巖側亦有東天門卽法

華洞之頂也其下峭壁高十餘丈至頂稍平突起兩巖如門隨磴鑿徑數十級仰窺不甚崇俯囑則巖窟杳深林木虧蔽惴惴恐墮也壁外爲通天嶺在光熙峯者因加一後字以別之蓋以一山言之則光熙者爲東以前寺言之則虎巖者爲東也

西天門在金剛窟西兩石對峙端蓋方石峻整如門真鬼工也西石尤聳峭題曰振衣擢足

太子捨在寺之東南元元統中諸王宣讓者名不施鈔可考

千錠爲住持孚中禪師建高九丈六尺俱用太湖美石製造堅固雕琢精巧凡五層四面各安佛相變化

普陀山志

卷之一

形勝

五

不一瑤容妙麗眉目顧盼如生旁欄柱端俱刻守護天神獅子蓮花極工巧生動至今苔蘚不生

金剛捨在金剛窟上郡人尚寶司丞沈泰鴻建不甚高華嚴銅捨在法雨寺東首安供以鎮山門

千佛捨在法雨寺內

金沙在龍灣西路皆黃沙不著寸土數里許日照之炫成金色卽經言金沙布地處也

千步沙在寺東海濱自几寶嶺至飛沙巖口約五里許巖山爲玉堂街沿海爲千步沙也每海潮拍岸浪高數十丈來如飛瀑止如曳練遇大汎激宕則雷轟雪

湧眩目震耳倏忽詭異不可名狀山中之偉觀也  
龍沙在寺東高丈餘寺之青龍故名飄沙累積成崇競  
言往時僧寮尚見海也古木怪藤幽花異草森陰芬  
郁不同飛沙龍灣者此間自有龍脈故耳

塢前沙在太子塢前本俱沙阜浪濤衝洗沙去石存巉  
巒刻露詭變幻設

妙莊嚴路自南道頭至山門五六里皆琢石甃成孔道  
矢直砥平又隨形高下相勢宛委蕩蕩平平無論海  
外卽通都大邑罕有儷矣道旁多撐雲古木交景垂  
蔭翠峯環映怒浪鳴空山陰道上不足彷彿也雖遭兵

普陀山志

卷之一 形勝

去

變遺廢路莊嚴如故云有石坊闔中張瑞圖題

玉堂街在寺東從几寶嶺至法雨寺五里舊爲沙徑行  
者苦之萬歷間僧如珂募甃石道平坦適行一路帶  
山映海翠靄銀濤應接不暇玉堂珂字也故名其街  
永壽橋在寺左海印池池廣十畝橋跨其上濶四丈長  
十餘丈高六丈廣級周欄安步眺遠石欄柱頭刻獅  
子四十座跳躑生動精采異常

瑤池橋在西池上與永壽相望廣長各一尋琢方石爲  
之窪端阜中微成虹也架深橫石四隅各製龍首雨  
時噴泉如珠池內俱產千瓣白蓮瑤池狀其白云俗



呼蓮花橋

大士橋在潮音洞上宋嘉定間僧德韶建

智度橋在法雨寺前卽青玉澗與諸水交匯橋跨其上  
廣二丈長九丈餘澄潭廣渚林木茂生雨後亂泉暴  
流有幽靚之致舊有董宗伯勸緣碑陸寶中書稱其  
筆法秀宕自是晉人本色雍正九年發帑修建寺前  
起蓋牌樓一座橋上俱用石板砌平水由地中行矣  
雨瀑橋距智度數十步溪流東折雨後泉懸石上俯窺  
之如瀑布可尋丈也

龍潭在潮音洞口舊傳娑竭羅龍居此興雲吐霧常致

普陀山志

卷之一

形勝

七

靈異

龜潭在茶山中近飛沙巖水深碧汪泓旱不竭潦不泛  
相傳龍種居此

東澗俗呼東溝

西澗俗呼西溝

中澗俗呼川溝三澗俱在茶山中茶山卽白華頂後西  
北之山較諸山尙峻一幹中分三大支支之界俱有  
溪澗澗處亦空尋丈狹者數尺架石橋畧狃以通往  
來此近東南之山所無也清泉響流古木繁蔭奇石  
縱橫其際經遊至此不覺身在海島中矣

澄靈澗在圓應峯下繞舍利塢北流故名

青玉澗在光熙錦屏諸峯之下出法雨寺前環抱若帶

其下碧石瑩燦揜映清流水石相觸處如漱珠噴玉

山中溪澗最稀由前歷後此爲冠矣

龍泉源出錦屏峯麓入法雨寺東三官殿下從巨石鐫

中迸裂雕龍首以出之甃方池以蓄之清冽異常雖

旱不竭鑄有龍泉遺澤四字於石

雪浪澗在本山下

菩薩泉在寺左香積厨外方廣丈許澄泓窅深色如拖

蒼藍味甘冽寺衆于日汲不竭

普陀山志

卷之一 形勝

六

菩提泉在寺右山麓禪堂西方數丈色白如玉掬飲清

芬旱乾不涸

功德泉在蓮花洋畔關聖殿左信商李才官建以濟衆

真歇泉真歇首闢普陀鑿石出泉滄桑後不可考別公

見白華主人啟石得泉史浩篆碑猶在遂作偈紀之

三昧泉在永壽橋南甃方池周廣四丈

活眼泉在寺西息耒園內潮公治退居之室得泉飲之

而甘故名

八功德水在妙莊嚴路西

滌心泉在道頭瀕海潮漲時若欲沒然水清味甘挹注

不置○山中多甘泉不著名者甚衆斥鹵鹹墳中乃能涵英貯液淪舜烹茗不遜江心峽口非惟造化之奇抑亦聖靈之澤矣

葛洪井在煙霞館側甃池方廣丈許相傳葛仙翁煉丹之井繞雷涓涓日夜不息色湛碧而味甘鮮嗽之清人肺腑

仙人井在几寶嶺下從嶺麓下坪低丈許自坪東折又下丈餘有石窟入窟寒氣侵人雖酷暑不可久居沙土中有孔如斗注泉不竭名仙人井距海不百步入地又深味乃甘美如此豈非靈壤之仙液哉子真稱

普陀山志

卷之一

形勝

五

川則不可得辨矣

金沙井在圓通殿右今在方丈後舊呼龍井

海印池在寺前奉川戴澳題一名蓮花池廣十餘畝東西各有橋築橋成隄故分三池中涵清波湛泓如鏡四山林石倒影窺之如畫東西兩池俱產蓮盞萼千瓣盛時竝頭五色競開寺僧據此以占休祥夏秋之交萬莖千葩香被巖谷儼游西湖廬阜間

放生池卽海印池寺僧歲放魚鱉克物其中故一池兩名云

光明池在潮音洞卽慧泉也明正德間太后遣使禱取

以療目疾賜名

剪鑑池在白華庵內之左僧朗徹所鑿甃石方廣數尺  
泉清味甘芍藻幽徹陳繼儒張瑞圖曹學佺范允臨  
諸公俱有銘贊

蓮花洋山之西南海也元豐中倭人入貢見大士靈異  
欲載往其國至洋滿海生鐵蓮花舟不能行倭懼而  
還洋之得名以此

東大洋山之東往日本者取道於此

王大洋山東北

楊巖門東南海中凡兩山相夾謂之門往閩中口子

普陀山志

卷之一 形勝

三

塘頭山在西北海中與喇叭嘴相對

采花山在塘頭山南亦在海中

金孟山在蓮花洋中亦稱金鉢孟明洪武二十年信國  
公湯和徙島民于內地寶陀與焉舟至沈家門海上  
忽現一金鉢孟卽此地

小洛迦山在海中楊巖之東往日本口子謂小洛迦門  
香爐花瓶山在東洋海中望之其形相似

朱家尖山在南海中卽月畧也山尖最爲聳拔可以瞭  
遠明時倭亂曾據于此普陀僧產多在焉

順母塗山亦在南海中俱有僧田

桃花山在西南海中以安期生灑墨成桃花故名縣志多產茶田頗肥美半爲普陀僧開墾

豁沙山在龍頭山北

葫蘆山在龍頭山對面  
白沙港山在洛迦對面

石牛山在蓮花洋南宋中官王貴等詣山禮佛未虔辭歸滿海鐵蓮花阻舟貴望山叩禱隨有白牛浮來食盡其花舟始行牛返水際化一白石牛形故名而港亦曰石牛港云

箭港山在龍頭山東卽茶山對面也山下有港

普陀山志

卷之一

形勝

三

新羅礁在西南大洋中石牛港口卽日本僧慧鑿觸舟禱佛處也

善財礁在潮音洞前大洋中小而低每浪觸礁間恍如小艇投岸也相傳爲善財南詢參大士處

小山在東北海中遠望之如貯石盆沼玲瓏可愛潮落時竟路積沙亂石上約三百步沙間石白如蹲虎青如伏牛歷歷可數登山之道紆曲上坪坪不廣高數級三面瀕大海俱崇崖峭壁鉅石累空若委若墜最高一石有穴名小山洞洞下有石石中又有洞如層臺複室危不可到從石峻處俯瞰洞根深數十仞潮

水或不能至也石罅古木嵌生山茶冬青黃楊沙棠  
之屬百數十本丹茶尤多大者一二百年物鬱蔥虧  
蔽遠波漏光怒濤騰雪蔭木坐石迥非人世覺從前  
經歷洞府尙塵囂矣自白華頂至剪鑑池諸景大而  
層巒疊嶂小而卷石畝塘合之皆爲普陀一山之名  
勝而蓮花洋以下汪洋巨浸中島嶼俱列則本山眼  
界所及大士靈蹟之所寄遺也故俱以類從而列於  
後焉

重修南海普陀山志卷之一終

普陀山志

卷之一 形勝

三

遊記

巖洞近大士靈蹟之池濤濤洶洶其於巖洞而激  
激而澎湃者自本寺新寺對峙中島嶼俱列本山如  
層巒疊嶂小而卷石畝塘合之皆爲普陀一山之  
勝而蓮花洋以下汪洋巨浸中島嶼俱列則本山眼  
界所及大士靈蹟之所寄遺也故俱以類從而列於  
後焉

重修南海普陀山志卷之二

江蘇金陵

王鼎勳青甫參定

秦耀曾遠亭編輯

普濟寺住持能崙鴻崑校訂

建置

夫興廢者時也去住者勢也補怛既遭兵燹復值播遷梵宮瓦礫悉成麋鹿之場精舍蒿萊空傷龜鼉之宅乃蒙

温綸疊賁佛地重新穹碑插漢

聖藻炳於日星紺宇凌霄

普陀山志

卷之二 建置

一

內帑沛乎雨露傷化城而建趾地入三摩崎峭壁而安椽門窺十普一邛一壑欣位置之自天是斷是雕慶落成之不日遂使青蓮臺迥香國郁其芬蘊紫竹林幽淨界披其淵邃矣志建置

敕建賜額普濟禪寺

後五代梁貞明二年日本僧慧鑠奉五臺觀音相至居

民張氏捨宅為院於雙峯山下號為不肯去觀音院

宋神宗元豐三年從內殿承旨王舜封之請改建殿宇

賜額寶陀觀音寺許歲度僧一人

高宗紹興元年真歇青了禪師泛海結庵於山椒題曰

海岸孤絕處郡請於朝易律爲禪

寧宗嘉定七年住山德韶言於朝賜錢萬緡修飾殿宇  
殿成御書圓通寶殿并大士橋以賜德韶特創龍章  
閣藏之

元大德四年春命李鐵木兒不花等治演法堂

明太祖洪武二十年信國公湯和徙居民入內地焚其  
殿宇三百餘間迎瑞相供於郡東棲心寺重建大刹  
改名補陀山中僅畱鐵瓦殿一所使一僧一介守奉  
香火焉

武宗正德十年僧淡齋募鑄鐵瓦二萬韃一萬建正殿

普陀山志

卷之二 建置

二

五間方丈二十間於潮音洞南卽鐵瓦殿

嘉靖六年河南王施琉璃瓦三萬鼎新殿宇

三十二年東倭入犯總督胡宗憲遷殿宇於定海縣今鎮

海縣東城外之招寶山迎大士像供焉餘舍盡焚

隆慶六年五臺山僧眞松來山修復殿宇

萬歷六年僧眞表創天王殿雲會堂

十四年建藏經殿奉太后頒賜藏經立靜室五十三處

二十六年火惟大士寶相獨存是時當事者禁不得復  
創緡紳力爲之請始建藏經殿俾僧守奉如初

三十年發帑金一千兩遣御用監太監張隨更建藏殿



三十三年正月發帑金二千兩仍遣張隨重建圓通等殿賜額爲護國永壽普陀禪寺

三十五年正月發帑金一千兩遣御馬監太監党禮建御製碑亭

本朝定鼎以來雖遭黃毛之變殿堂靜室如故山中香火

猶得不絕至康熙十年因海氛不靖督鎮徙僧內地越四年圓通白衣繡佛三殿及左右廂房因遊民失火延燒而寶地殘矣

康熙二十三年海宇蕩平澎湖臺灣盡入版圖大弛海禁寺僧復歸故業二十八年春

普陀山志 卷之二 建置 三

翠華南幸總戎黃公大來啟奏名山廢墜狀遂

賜帑金千兩遣使重建大圓通殿黃公捐俸建藏經殿

二十九年七月總戎藍公理同遠近紳士公請天童四

世孫潮音旭禪師爲住持宏開法堂興衰起敝宗風

重振冬建道頭下院於舊址 明宗伯學士董其昌額曰大寺茶庵

三十年建四天王殿冬建寶珠軒翠竹軒

三十一年新鐘鼓二樓冬建先覺堂於藏殿之右建土

地祠于舊址

三十二年冬建大圓通殿併藍公生祠 藍公自鎮茲土上體聖朝賜

絡重典之意殫心護持摧邪輔正爲山門第一護法云

三十三年春建大香積厨資有堂冬建瑞日慶雲二樓  
三十四年冬建道頭顯聖菴樓房亦作下院

三十五年冬建全彰堂卽大方丈

三十六年春建正趣亭改建藏經閣夏修景命殿暨左

右廂樓冬建土地祠後大圍房

共兩進祠前房後

建南樓又

建茶庵於桃花山作採茶濟衆之所

三十七年春建龍沙匠作樓碾房併荷花池小屋五間

冬建承統堂延壽堂泥洹堂

三十八年四月

皇上南巡遣使賞帑金千兩傳

普陀山志

卷之二 建置

四

旨云山中未完之工住持須竭力圖成勿辜

上意遂賜名普濟禪寺是秋安奉

御題普濟羣靈額于大圓通殿皓月禪心額于景命殿

御書米帖勒石

四十一年冬建萬壽亭又建朱家尖田庵于古青蓮

寺址定鎮守府張彪捐貲墾田爲始

四十二年冬建福田菴于大幹作田房其先邑侯繆公

燧捐米百石築堤濟衆

四十四年四月

御製普濟寺碑文到山遂勒石於萬壽亭

五十年十二月建衛教堂

雍正九年三月

賜帑重建殿宇并修建潮音洞菴

十二年正月賜

御製普濟寺碑文蓋亭勒石

敕建賜額法雨禪寺

明萬曆八年麻城僧大智諱真融者自峩眉瑩華來禮

洛邇見光熙峯泉石幽勝遂結茅以居題曰海潮菴

三漸建圓通等殿

二十三年郡守吳安國改額曰海潮寺

普陀山志

卷之二 建置

五

二十六年寺災于火殿堂室宇無復存者

三十三年大智禪師之徒如壽如光等增建殿宇規制

宏麗

三十四年敕賜寺額曰鎮海禪寺

本朝康熙八年海寇亂寺又災惟殿墻頂尚存

十年水師提督張公杰捐貲建殿五間

二十六年四月提督陳公世凱同鄉薦紳給諫屠公粹

咨忠公請別菴統禪師為住持以大慧嫡派由雙徑主

兼此山剪榛棘驅麋鹿相原胥宇殫力經營而法苑重

光焉是年建藏經閣東禪堂三聖堂官廳三生堂廂

房印室

二十七年

二十八年

翠華南幸總戎黃八啟奏名山廢墜狀遂

賜帑金千兩重建大殿及正續堂卽大方丈

二十九年建雷雲

三十年建圓通殿雨花樓香積厨鶴煙居

三十一年建雷衣室祖塔院先覺樓

三十二年建大雄寶殿及蓋公祠

三十三年建西禪堂安樂堂

普陀山

卷之二

建置

六

三十四年建挹翠軒

三十五年建天章閣芋香樓列職寮牧生寮

三十六年建無隱軒白華樓水月樓松風閣怡情室舍

利令

三十七年建天王殿雷音閣及陳黃二公祠

三十八年四

皇上海南巡遣使賚帑金千兩傳

旨云山中未完之工住持須竭力圖成勿辜

上意遂

賜名法雨禪寺又准住持性統奏請發金陵城內琉璃瓦

併撤舊殿九龍改蓋圓通大殿遂名九龍殿安奉  
御題天花法雨額于上又安修持淨業額于方丈併勒  
御書米芾詩帖于石

四十一年二月性統奏請

御製碑文遂建 萬壽亭

四十四年四月

御製法雨寺碑文到山遂勒石 萬壽亭併懸掛

御書藏經閣扁額

雍正九年三月同前寺

賜帑七萬兩重修大雄寶殿大圓通殿

普陀山志 卷之二 建置

七

萬壽亭新建

御碑亭天后閣及各殿堂樓閣并修建梵音洞菴山門及

前後兩殿至十一年六月竣工

十二年正月賜

御製法雨寺碑文勒石於 御碑亭

重修南海普陀山志卷之二終

江蘇金陵

王鼎勳青甫參定

秦耀曾遠亭編輯

普濟寺住持能崙鴻崑校訂

梵刹

蓋聞江上渡孟宗曾開夫南國山巔飛錫教自闡夫西方然不沾

天寵難誇彌勒之龕未賁

宸章誰仰維摩之室若普濟法雨二寺者慧日常懸祥雲

永覆青猊座擁邀

普陀山志

卷之三 梵刹

一

渥眷於

九重白象峯廻示妙音於十類斯合三十二應之圓通獨

循覺路極二十八參之精進咸証法筵矣志梵刹

敕賜建額普濟禪寺

在白華頂南靈鷲峯之下歷代廢興不一宋元豐三

年賜名寶陀觀音禪寺明萬歷三十三年敕建賜額

護國永壽普陀禪寺遣御用監太監張隨董其成嫌

舊基淺隘遷麓就廣且改辰向為丙今其址也

國朝康熙四年乙巳復遭黃毛寇劫掠焚燬大殿猶巍然

獨存十年因海氛不靖徙僧內地寶刹盡殘二十八

年春總鎮黃大來奏請賜帑金一千兩遣使三員重建前後兩寺然未落成也三十八年

聖駕南巡復賜金千兩

御題普濟羣靈額賜前寺遂改今名製文勒碑勝地冷落者且五六十年一旦煥然改觀雍正九年復蒙

聖恩准浙江總督宮保李衛奏請賜帑金七萬兩修建兩

寺

御碑勒石海外名山疊荷

列聖恩寵汪洋異數實慶法運之昌隆矣

寺基南距北六十丈東距西八十丈規方共二百八十

普陀山志

卷之三 梵刹

二

丈南距北六十丈東距西八十丈規方共二百八十

寺內有房頭數十家其先或爲住持或爲執事後以衰老告休遂退居別室悠游晨晡自瞻者也久而自立門戶長子孫其中據常住寮舍以爲己有潮公至改律爲禪復興舊業間欲規方經理者遂出常住寺外之地寸尺相易而大寺規模截然井然焉嗟乎自內徙之後長棘游糜之藪變爲璇室香臺良非易易是時主之者潮公而在右驅馳籌畫艱辛者則其徒何月之力居多

寺五間圍垣高八尺進深四丈廣共六丈

御碑亭三間圓頂高三丈進深三丈二尺廣共四丈六尺  
東山門三間九架高二丈五尺廣五丈六尺縱四丈明  
間廣二丈左右梢間各廣一丈八尺 甬道進深四  
丈內門頭香燈二寮

西山門同

天王殿五間十一架高四丈八尺廣九丈二尺縱六丈  
六尺明間廣二丈五尺左右次間梢間各廣一丈八  
尺 甬道月臺共進深九丈內直殿香燈寮

大圓通殿七間十五架高六丈二尺廣十四丈縱八丈  
八尺明間廣二丈八尺左右次間各廣二丈四尺梢

普陀山志

卷之三 梵刹

三

間各廣二丈次梢間各廣一丈五尺 甬道進深四  
丈內左右為知殿殿主香燈直櫃等寮

藏經殿又名藏經閣五間十三架高三丈八尺廣九丈  
二尺縱六丈八尺明間左右次間各廣二丈梢間各  
廣一丈六尺 甬道儀門共五丈中為法堂左右為

西知藏寮旁直座寮

景命殿五間九架高二丈八尺廣九丈縱五丈左室為  
內方丈

伽藍殿

祖師殿 各五間九架高二丈八尺廣五丈六尺



繡佛殿在東

白衣殿在西二殿之上為樓各五層

鐘樓在東內有巡照香燈二寮

鼓樓在西有香燈寮

東羅漢堂

西羅漢堂大殿左右各九間

法堂藏經閣下

全彰堂即大方丈藏經閣左五間十一架高二丈八尺

廣六丈二尺縱五丈

普陀山志

卷之三 梵刹

四

先覺堂藏經閣右五間九架高二丈五尺廣五丈六尺

縱四丈五尺內供歷代住持祖師牌位左右為首座

西堂二寮後為侍者香燈等寮

崇德堂即承統堂祖師殿右三間供各庵絕嗣香火內

香燈寮

齋堂即千人樓嘉慶乙丑年冬回祿後重建六間

東禪堂繡佛殿後五間內有聖僧侍者香燈司水等寮

西禪堂白衣殿後即古資有堂九架高二丈二尺廣七

丈四尺縱四丈五尺二堂同

客堂瑞日樓下

善會堂

柴寮右有金屋

長生堂卽衛教堂伽藍殿左三間供當代護法諸公位

淨業堂千人樓下六間列職執事等寮

雲水堂東廊下內爲堂主香燈寮

延壽堂西廊下又爲泥洹堂內有堂主香燈寮

留衣堂五間卽藍公祠內有香燈寮

瑞日樓繡佛殿上左爲知衆知客右爲照客知隨等寮

慶雲樓白衣殿上後爲間住糾察不釐務侍者等寮

東壁軒三間在內龍沙之麓古書記寮也今廢

普陀山志

卷之三 梵刹

五

挹爽軒三間留衣堂右內爲典賦知事二寮

翠竹軒三間內方丈左

寶珠軒五間內方丈右

賓日樓五間卽古天字樓全彰堂之左上爲維那寮餘

爲客住寮

白雲樓賓日樓右五間後爲庫樓內有副寺貼庫卧具

等寮

得月樓六間全彰堂左爲官客憇息之居今廢

覽翠樓白雲樓右三間上爲都監監院寮下爲厨衆等

寮

香積樓三間在齋樓後又平屋五間內爲典座貼案及  
厨衆等寮

南樓在齋樓後五間內設米寮碾房  
方丈大方丈在全彰堂中內方丈在景命殿左後爲衣  
鉢湯藥寮左右俱爲侍者寮右室之後爲行者寮

四監祠一名上官廳卽古煙霞館地前有栢香亭一座  
後三間中供明督造御用監太監張隨御馬監太監  
党禮內官監太監王臣馬謙四人像左供明宮保尚  
書周公寅所提學副使楊公楚亭太僕寺正卿劉公  
行素禮部主事屠公赤水尚寶司丞沈公元扈等像

普陀山志

卷之三 梵刹

六

劉公慈谿人 四  
公俱鄞縣人 右供

本朝總戎肅州黃公大來像有碑記左供

邑侯江陰繆公燧像內爲書記香燈寮

陸公祠在衣珠堂右供明郡守陸公自岳并奉圓初長  
老神主今廢

東寮

藥師殿萬歷間僧海仲居此天啓七年崇王由橫捐貲

重建安紫衣替僧照慧親書法門龍象四字額賜千

佛衣徒普益

大悲勝

分源徵居

焉後因殿宇傾頽僧徒寥落法必支屬十二世孫昌友同徒隆海修建

法如堂僧海初居此六世孫心惺重修

圓隱堂僧定慧居此九世孫廣慈重修今廢

洪復堂僧聖恩建恩無嗣源進焚修於此

證覺堂僧性旋居此六世孫通證徒心堅心悟重修今

廢

善慶堂明時僧海寶性樂居此六世孫通元同孫源珍

修建潮公初主院時元爲監寺領衆辦事不避險難

普陀山志

卷之三 梵刹

七

後投老于茲屏絕外緣有身雖未到華臺上先送心

歸極樂天之句元號靈一古堇人今廢

枕石居僧性樂居此六世孫通易建徒心庸守焉今廢

妙元堂僧海音居此六世孫克賢心慧重修

清一堂初名鏡花院僧寂汝居此五世孫心徹同徒源

達重修十三世孫能仁修建

現瑞堂僧心徹同徒源治建

新安堂僧性祖居此祖休寧程氏子家富因三子俱殤

忽醒幻泡禮師無窮薙髮本山遂以地名其堂曾孫

照音徒普勝重建

供石齋僧海岳居此孫照微同孫心函重修今廢

松雪齋僧妙用居此九世孫廣志重修明副憲周應治

題額大學士休休居士申時行書今廢

太古堂僧海涵居此四世孫普壽通佩重修涵爲寺住

持退居上官廳子孫相繼居之甲戌年常住買東房

地二闡易之乃遷居寺左今廢

澄心堂僧真才居此九世孫心慧孫廣承重修潮和尚

初主院時慧爲寺知事善知衆務人多推之

三會堂僧如章居此八世孫心慶同徒源澄同修

善法堂僧性相居此八世孫源聖重修今廢

普陀山志

卷之三 梵刹

八

水月堂僧真宰居此孫通樂元孫廣圓徒續宗重修今

廢

蘿月堂僧寂周居此孫普慶守焉今廢

美勝堂僧寂周居此七世孫廣慶徒續增孫本然重修

今廢

水天齋僧心徹建今廢

西寮

恩榮堂迴禪師祠僧海日置地集本支同建付衣珠堂

永守焉今廢

積善堂卽玉峯房僧法雲居此六世孫通惠八世孫源

恒重修

晏坐堂僧海灝居此普安同孫心盥源章廣濟等重建

十二世孫昌蔭重修

報本堂卽西天門獻祖祠也在大寺西初甚隘十世孫

通旭住持之丁丑集本支鳩工改剏祠樓二間撥僧

廣孝相繼世守總戎藍公額曰四世中興自始祖普

賢次本空又次寂庵及潮音凡四世云

承恩堂初名立本堂乾隆己卯年間僧本善同徒覺永

重建五世孫能曉能崙重修

天機堂僧天機居此孫通亮重建時值內徙十餘年亮

普陀山志

卷之三

梵刹

九

唐此山麋鹿爲羣晏然自得比復爲寺住持總戎黃

公每推重焉今廢

見空堂僧性徹建顯日重朔今廢

錫麟堂僧如宏建廣成重修十四世孫昌蔭重建

仁德堂僧普勤徒通奇始初今廢

歸元堂僧照宇居此四世孫心能六世孫廣行重修今

廢

佑啟堂無窮富禪師祠在天機堂側今廢

寶林堂僧海山居此因內徙其嗣散居別處不復建五

世孫通悟歸其地于常住今廢

斗室齋僧寂沒建映璧重修今廢

匠作寮在寺東龍沙內平屋一帶

大寺茶庵在道頭內有衆職操舟寮今廢

本山下院卽古顯聖菴在道頭內爲都管寮積貯檀施

### 合山散靜之物

關聖祠在東寮善法堂之前舊爲海防公署今廢

娑竭龍王祠在寺左三會堂側

土地祠在寺右仁德堂西兩進共八間俱常住園房

何公祠在山門外三會堂左供明總戎何公諱汝賓像

關聖閣在永壽橋東堍下

### 普陀山志

### 卷之三 梵刹

十

龍章閣宋嘉定間僧德韶建以寧宗七年御書圓通寶

殿且給緡一萬俾新梵宇故也今廢址不可考

不二閣育恩院內明萬歷間建今廢

煙霞館後山上今改四監祠

白華館在寺內今廢不可考

正趣亭在妙莊巖路之中從道頭至寺各二里半舊名

坐坐亭順治間都督三韓張公杰建後廢潮公復構

以其適當正趣峯下遂改今名寬平高明爽氣撲人

翠嶂長林蔚然悅目遊者甫脫波濤驟躋幽勝恍如

隔世也

玉音亭

御製藏經序碑亭

應制經贊序碑亭

以上三亭俱在本寺旁近明鎮臣侯繼高建今俱廢

懷闕亭在煙霞館左萬歷中督造內臣張隨建今廢

渡海紀事碑亭在寺左明巡撫尹應元建潮公重修

著衣亭在無梁殿左今廢

莫捨身亭在潮音洞上參將董永燧立今廢

鐵瓦殿在潮音洞南正德十年住持淡齋同其徒募建

正殿五間方丈二十間今廢

普陀山志

卷之三

梵

十一

無梁殿在潮音洞上北都遊僧建設鐘鼓各二十四具

以應二十四氣僧失其名今廢

琉璃殿

梵王宮俱潮音洞上嘉靖間魯王建今廢

下院四處一在定海縣南城內無量菴一在寧波桃花

渡關帝殿一在松江漈闕一在台州

敕建賜額法雨禪寺

在白華頂之左光熙峯下明萬歷八年建三十四年

賜額鎮海禪寺前後兩寺爲名久矣遭燬遭劫遷徙

內地俱與前寺同時殘毀



國朝康熙三十八年定海鎮黃大來奏請同前寺共賜帑  
金千兩遣使重建三十八年

聖駕南幸復同賜金千兩併

御書天花法雨額賜後寺遂改今名製文勒石煌煌

天語佛地重光雍正九年復蒙

聖恩准浙江總督宮保李衛奏請賜帑金七萬兩修建兩

寺

御碑勒石制度重煥卓冠宇內名山香火當與

聖祚永垂萬年矣

寺基廣六十九丈進深六十二丈五尺視方共二百

普陀山志

卷之三 梵刹

三

六十丈

萬壽亭五間

御碑亭五間

天王殿五間十三架高四丈五尺六寸縱五丈四尺廣

十丈六尺 甬道月臺共進深八丈

左山門三間七架高二丈二尺廣四丈二尺縱三丈四

尺

右山門與左同

大圓通殿七間十五架高六丈五尺六寸廣十二丈七

尺縱八丈二尺



芋香樓下爲<sub>加</sub>藍殿十二間

香積厨七間

東齋堂七間

留雲堂七間

鶴煙居三間

雨花樓五間

印寮三間

右翼

無隱軒三間

三生堂五間

普陀山志

卷之三 梵刹

十四

西禪堂五間

西戒堂五間

水月樓十一間

白華樓七間

智食樓七間

齋戒廳五間門樓一座東西廂房五間

雷音閣五間

挹翠軒五間

官廳五間

西客樓七間

客堂五間廂房六間

後齋堂五間

安樂堂五間

雲水堂五間門樓一座

藍公祠三間

倉院十六間

牧牛寮五間

列職寮十五間

東寮

先覺樓三間

普陀山志

卷之三 梵刹

吉

霞光堂僧霞光居此徒慧慈等重修

明德堂僧道恒居此舊因寺廢即建於齋樓基上別公

再重建樓卜築樓後尺寸相易

支元房僧支元建

了凡堂僧林初居此舊與明德堂聯別公易地與建於

三聖堂左

教誡樓共二十間

卽道頭下院古名教誡堂遺界廢今新建樓仍舊名

外下院四處一在定海縣道隆觀半路亭一在寧波府

桃花渡真武宮一在杭州府永壽寺一在

溫州府接待寺

重修南海普陀山志卷之三終

重修南海普陀山志卷之四

江蘇金陵

王鼎勳青甫參定

秦耀曾遠亭編輯

普濟寺住持能崙鴻崑校訂

頌賜

且六度之誠律以布施為先三寶之上乘以檀越為  
大故漢桓飾乎華蓋阿育建乎浮圖十千世界廣大  
福田靡不地可布金像堪獻玉矣洪維

本朝疊賁

綸旨兩頒內帑淵哉鑠乎莫與比隆然歷代以來好道之

普陀山志

卷之四

頌賜

君崇信元津宏修釋網共竭優填之力永矢波匿之  
心供養極諸人天因緣結夫香火亦足取焉志願賜  
宋元豐三年賜不肯去古院額為寶陀觀音寺許歲度  
僧一人

嘉定三年賜修圓通殿錢萬緡御書宸翰并金爛衣銀  
鉢瑪瑙珠松鹿錦幡等

淳祐八年詔免本山租役

元大德三年賜新殿宇金百兩五年賜綵旛絨香及帑  
錢二十緡割勤田昌國田及山共四千餘畝供僧

皇慶二年賜主僧袈裟及十方僧飯救浙省賜鈔八百

六十八錠買給長明佛燈田三頃

泰定四年賜飯僧鈔千錠僧衣一百八件供聖黃金織文旛及金綵綺帛賜供營繕田二頃二十六畝

致和元年賜香幣及鈔百錠

元統二年宣讓王施建塔鈔千錠

明萬歷十四年賜皇太后刊印續入藏經四十一函并舊刻藏經六百三十七函裏經繡袱六百七十八件觀音金像一尊善財龍女各一尊金紫袈裟衣一襲二十七年賜大藏經六百七十八函華嚴經一部諸品經二部鏤金觀音像一尊

普陀山志

卷之四 頒賜

二

三十年賜建藏殿帑金一千兩飯僧銀一千八十兩誦禮觀音經三百兩觀音經一藏  
三十三年賜重建殿宇帑金二千兩僧齋銀三百兩及織紵旛幢金花丹藥等物金剛般若經一藏觀音普門品經一藏賜額爲護國永壽普陀禪寺又太后賜建寺銀三千兩

三十四年賜海潮寺額爲護國鎮海禪寺

三十五年賜帑金一千兩建御製碑亭

三十七年賜帑金一千兩延僧檢閱藏經三年并五綵織金龍緞四十疋及長旛經袱桌衣等

三十九年賜帑金一千兩祝釐飯僧

國朝康熙二十八年三月賜帑金一千兩重興前後兩

寺

三十五年四月賜

御書金剛經二函兩寺同

三十八年三月

駕巡杭州命使進香賞

御書金剛經二卷帑金千兩分賜兩寺又

御書普濟羣靈及潮音洞額復賜住持明志

御書皓月禪心之額臨米單條一幅又准奏請發金陵城

普陀山志

卷之四

頒賜

三

內舊琉璃瓦一十二萬改葢兩寺大殿

四十二年二月

駕巡杭州命使進香賞賜住持心明

御書心經一卷帑金二百兩復書大圓通殿獅子窟壽峯

二三類

四十三年十二月

御製碑文一道又書賜宣布聲聞懸藏經閣永壽寺額一

道

四十四年四月賜心明

御書心經一部心經搶一軸

四十六年

駕巡蘇州賜心明栴檀林三字及人參珍果等物

四十七年閏三月命使賚送內造自在觀音救度佛母

一尊

四十八年二月命使降香賚送帑金二百兩七月

皇太子奏准差賜帑金三百兩金幡一對數珠二掛內

造鏤金佛三尊黃蟒袍一襲銀製吉慶阿哥一位

四十九年

欽賜寶印一顆併賜大藏尊經

五十二年正月在暢春園賜心明紫衣一襲職事僧五

普陀山志

卷之四 頒賜

四

人紫衣各一襲及蜜餞珍果二月復賜人參一觔及

丸藥等物

五十六年

恩准心明奏請蠲免開墾田地錢糧

雍正九年三月

賜帑金七萬兩重建前後兩寺殿宇

十二年正月賜前後兩寺

御製碑文各一道

乾隆十六年春

駕巡杭州賜源善紫衣一襲黃緞衣一襲及珍果等物



施賜附

康熙四十二年 皇太子賜銀一百五十兩又書青蓮

喻法匾額 直郡王奏准差供大士龍袍一襲龍旛

一對銀一百兩

四十三年 直郡王賜青蓮寶笈匾額

四十九年 三王子賜衆香精舍額又聯云欲知堂奧

幽深更進一步要識門庭廣大如在孤峯

雍正十二年 和碩莊親王賜住持心明源正各姑菝

二疋綢四疋侍僧四人繭綢各二疋

四十五年 皇太子賜海湧慈雲匾又聯云雪浪照琳

普陀山志

卷之四

賜施附

五

四宮芝草香中慧日高懸震旦天花飛梵座楊枝雨後

祥雲齊護潮音附四人繭綢各二疋

五十二年 皇太子賜...

幽深更進一步要識門庭廣大如在孤峯

四十八年 三王子賜衆香精舍額又聯云欲知堂奧

四十二年 直郡王賜青蓮寶笈匾額

一對銀一百兩

命起詞附 直郡王奏准差供大士龍袍一襲龍旛

康熙四十二年 皇太子賜銀一百五十兩又書青蓮

施賜

命使附

宋王貴內侍乾德丁卯遣賫香旛詣山  
元李英內侍大德二年中宮命降香修宇

李羅宿衛大德三年奉旨降香賜金

魏也先大德四年奉旨飯僧轉經五年再奉旨治演

法堂

太出四年五年俱與魏也先同使

李鐵木兒不花五年與太出魏也先同使

張蓬山集賢學士大德五年奉旨祝釐

法華奴皇慶二年皇太后遣飯僧降香

普陀山志

卷之四 命使附

六

帖閣中正同知泰定四年中宮遣賜金幣

曹立御史中丞致和元年奉旨降香幣

明張本內官監太監萬歷十四年奉旨賫送藏經

孟廷安御用監太監與張本同差

趙永漢經厠掌壇御馬監太監二十七年賫送敕諭

大藏全經

曹奉御馬監太監與趙永同差

張隨御用監太監三十年四月奉旨督造藏殿三十

三年正月督造普陀禪寺三十五年五月工竣復命

三十七年復遣到山飯僧三十九年又奉敕到山啟

建酬恩保聖道場施齋合山僧眾

王臣內官監太監三十年與張隨同差

党禮御馬監太監三十三年賞送諸品經藏三十五

年資帑立御製碑亭祝釐飯僧

張然御馬監太監三十三年降香幣詣山祝釐飯僧

國朝萬爾達一等侍衛

吳格二等侍衛阿思哈呢番兼管佐領事

觀音保禮部掌印郎中康熙二十八年同賞帑金到

山宋大業翰林三十五年賞

宋大業翰林三十五年賞

普陀山志

卷之四

命使附

七

御書金剛經到山

喇嘛海寶三十六年哈爾親哆囉格格奏准奉

旨進香

顧問行乾清宮太監提督

司皂保內務府廣儲司郎中

馬逢恩太監三十八年同賞帑金到山

翁峩立侍衛

官保都統

王璋中官首領四十二年同奉差進香賞送

御書心經及帑金

阿爾發六品官四十二年直郡王奏准同官保到山  
送龍袍銀兩

敕福合浙江織造四十四年賫送

御製碑文

朱圭鴻臚寺序班四十四年奉 敕鑄碑

孫文成浙江織造

曹寅江南織造

李旭蘇州織造四十七年同賫送內造自在觀音救

度佛母二相

噶達渾內務府員外郎四十八年賫帑降香

普陀山志

卷之四 命使附

八

鄧鎮中官

趙柱中官

廣博皇姑寺住持四十八年同賫金併佛尊供寺

王璣前蘇州巡撫原任戶部左侍郎雍正九年

欽命監督修建兩寺工程

重修南海普陀山志卷之四終

重修南海普陀山志卷之五

江蘇金陵 王鼎勳青甫參定

秦耀曾遠亭編輯

普濟寺住持能崙鴻崑校訂

經證

夫法要湛寂必神測而能參宗教淵微豈言詮所可  
闡然而道安明義慧斐手書金字朗誦遺文白毫恍  
瞻瑞像矧觀音成妙功德現三十二應之身具大慈  
悲冠二十五聖之首不稽大乘罔識眞如于是敬輯  
雕談引宣妙諦跋圓通之岸偈頌蓮花示方便之門

普陀山志

卷之五

經證

典翻貝葉誌經證

華嚴經

善度城鞞瑟胝羅居士指示善財童子云南方有山補  
怛洛迦彼有菩薩名觀自在汝詣彼問菩薩云何學菩  
薩行修菩薩道卽頌曰海山有山多聖賢衆寶所成極  
清淨花果樹林皆徧滿泉流池沼悉具足勇猛丈夫觀  
自在爲度衆生住此山汝應往問諸功德彼當示汝大  
方便時善財童子漸次遊行至于彼山見其西面巖谷  
之中泉流縈暎林樹鬱鬱香草柔軟右旋布地觀自在  
菩薩于金剛寶石上結跏趺坐無量菩薩皆坐寶石恭

敬圍繞而爲宣說大慈悲法令其攝受一切衆生

以上菩薩緣起

楞嚴經

觀世音菩薩白佛言我昔無數恆河沙劫于時有佛出現於世名觀世音我于彼佛發菩提心彼佛教聞思修入三摩地

彼佛如來歎我得圓通法門于大會中授記我爲觀世音號由我觀聽十方圓明故觀音名徧十方界

世間諸法王子有六十二恆河沙數修法垂範教化衆生隨順衆生方便智慧各各不同由我所得圓通本根

普陀山志

卷之五

經證

二

發妙耳門然後身心微妙含容周徧法界能令衆生持我名號與彼共持諸法王子二人福德正等無異世尊我一名號與彼衆多名號無異由我修習得眞圓通法華經

若有衆生受諸苦惱一心稱觀世音菩薩名號皆得解脫若水火雷電龍蛇惡獸夜叉羅刹王難枷鎖軍陣怨賊諸難之中能施無畏于苦惱死厄能作依怙現三十三身隨類說法地獄鬼畜生生老病死苦以漸悉令滅觀世音三昧經及大悲經悲華經

說此菩薩久已成佛號正法明如來

又云後成正覺號徧出一切功德山王如來  
藏教

梵云呵哩耶婆盧吉帝此云聖觀世音梵云呵縛盧枳  
帝溼伐羅此云觀自在

藏教密乘經

觀世音菩薩爲蓮花部主現諸神變忿怒則稱馬首明  
王救度則稱聖多尊滿諸願則稱大準提尊及如意輪  
王不空罽索乃至師子吼并毘俱胝一髻青項白衣葉  
衣千首千臂皆有儀軌

以上菩薩名號

普陀山志

卷之五

經證

三

千手千眼觀世音菩薩廣大圓滿無礙大悲心陀羅尼  
經

如是我聞一時釋迦牟尼佛在補陀落迦山觀世音宮  
殿寶莊嚴道場中坐寶師子座其座純以無量雜摩尼  
寶而用莊嚴百寶幢幡周匝懸列爾時如來于彼座上  
將欲演說總持陀羅尼故與無央數菩薩摩訶薩俱時  
觀世音菩薩於大會中密放神通光明照耀十方刹土  
及此三千大千世界皆作金色於是總持王菩薩見此  
希有之相怪未曾有卽從座起叉手合掌以偈問佛如  
此神通之相是誰所放佛告總持王菩薩言善男子汝

等當知今此會中有一菩薩摩訶薩名曰觀世音自在  
從無量劫來成就大慈大悲善能修習無量陀羅尼門  
爲欲安樂諸衆生故密放如是大神通力佛說是語已  
觀世音菩薩從座而起整理衣服向佛合掌白佛言世  
尊我有大悲心陀羅尼咒今當欲說唯願世尊慈哀聽  
許佛言善男子汝大慈悲安樂衆生欲說神咒今正是  
時宜應速說如來隨喜諸佛亦然

千手千眼觀世音菩薩姥陀羅尼身經

爾時觀世音菩薩摩訶薩合掌恭敬白言世尊應正遍  
知我前身不可思議福德因緣今蒙世尊與我受記欲

音陀口志

卷之五

經證

四

令我身起以大慈悲拔道心當爲利益一切衆生斷諸  
繫縛滅八怖畏令我欲說姥陀羅尼末世衆生蒙是姥  
陀羅尼威神力故皆離苦因獲安樂果  
千眼千臂觀世音菩薩陀羅尼神咒經

爾時觀世音菩薩摩訶薩白佛言世尊是我前身不可  
思議福德因緣今蒙世尊與我授記欲令利益一切衆  
生起大悲心能斷一切繫縛一切怖畏一切衆生蒙此  
威神悉離苦因獲安樂果若有善男子善女人于我滅  
後五百歲中能于日夜六時依法受持此陀羅尼神咒  
法門者一切業障悉皆消滅一切陀羅尼法悉皆成就



如意輪陀羅尼經

如是我聞一時佛在雞喇斯山與無央數菩薩衆俱爾時觀自在菩薩摩訶薩從座而起整理衣服長跪合掌前白佛言世尊我有大蓮華峯金剛祕密無障礙如意輪陀羅尼明三昧耶能于一切勝福事業所求皆得如意成就如來大慈許我說者我當承佛神力廣爲饒益一切有情意願故說世尊是陀羅尼明有大威神如天意樹爲諸明仙雨大寶雨所欲皆得等摩尼珠能滿有情一切勝願唯希如來慈哀加持爾時世尊誥觀自在菩薩摩訶薩言善哉善哉汝以大悲爲諸有情故發是

普陀山志

卷之五

經證

五

問我已加持聽汝無礙說示如意輪陀羅尼明

觀自在菩薩怛轉多唎隨心陀羅尼經

如是我聞一時薄伽梵住極樂世界爾時觀世音菩薩摩訶薩往詣佛所白佛言世尊我有隨心自在心王陀羅尼能爲未來一切衆生作大利益世尊若有苾芻苾芻尼鄔波塞迦烏波斯迦受持此陀羅尼者速能成就三摩地門速能成就諸陀羅尼門

十一面神咒心經

如是我聞一時薄伽梵住寶羅筏竹筍道場大眾圍繞供養恭敬尊重讚歎而爲說法爾時觀自在菩薩摩訶

薩來詣佛所到已頂禮世尊雙足右繞三匝退坐一面  
白佛言世尊我有神咒心名十一面具大威力十一俱  
胝諸佛所說我今說之爾時世尊讚觀自在菩薩言善  
哉善哉善男子汝乃能一切有情發起如是大慈悲意  
而欲開示此大神咒善男子汝由此方便能救脫一切  
有情所有病苦障難佈身語意惡乃至安立一切有  
情于阿耨多羅三藐三菩提善男子我亦隨喜受汝神  
咒汝當說之

觀世音菩薩祕藏神咒經

如是我聞一時佛在伽栗斯山與大菩薩衆俱爾時觀

普陀山志

卷之五 經證

六

世音菩薩摩訶薩卽從座起整衣服合掌白佛言我有  
大陀羅尼法名摩訶波頭摩旃檀摩尼心輪能于一切  
事所求皆得成就若如來大慈悲許我說者我當承佛  
神力爲饒益一切衆生爾時世尊讚觀世音菩薩言善  
哉善哉汝已慈悲故爲衆生能如是聞聽汝無障礙說  
此陀羅尼

觀世音菩薩如意摩尼陀羅尼經

爾時觀世音菩薩白佛言世尊我有明咒法大壇名蓮  
華峯金剛加持祕密無礙觀世音蓮華如意摩尼轉輪  
心陀羅尼觀世音心最勝成就置尊爲能與一切衆生

願成就故於世尊前我今當說唯願世尊加護于我爲  
一切咒仙兩大寶雨如大劫樹如如意摩尼當令一切  
衆生所願滿足佛言我已加持汝今當說一切希求皆  
令滿足無能障礙

以上諸經大同小異皆菩薩神力

楞嚴經

初於聞中入流亡所所入既寂動靜二相了然不生如  
是漸增聞所聞盡盡聞不住覺所覺空空覺極圓空所  
空滅生滅既滅寂滅現前忽然超越世出世間十方圓  
明獲二殊勝一者上合十方諸佛本妙覺心與佛如來

普陀山志

卷之五 經證

七

同一悲力二者下合十方一切六道衆生與諸衆生同  
此悲仰

接楞嚴經第六卷俱是顯明菩薩耳根圓證其大義

已包括于此

以上諸經大同小異皆菩薩神力

合藏且無錯謬

案此經疏云言非耳根林妙今當領一得永永

重修南海普陀山志卷之五終

重修南海普陀山志卷之五終

重修南海普陀山志卷之六

江蘇金陵

王鼎勳青甫參定

秦耀曾遠亭編輯

普濟寺住持能崙鴻崑校訂

靈異

夫過去如來上正法明之號權居菩薩稱觀世音之名降生於轉輪王時授記於善持劫裏成妙功德周徧圓通具大慈悲以救苦難第事涉荒誕未敢遽證耳根而蹟著神靈允堪同殷膜拜十方供養欽瑞氣之遙臨百寶莊嚴仰榮光之共睹所謂一莖草現丈

普陀山志

卷之六

靈異

六身一毛孔入四大海胥在是焉誌靈異

唐文宗嗜蛤蜊東南沿海頻年入貢民不勝苦一日御饌蛤蜊有劈不開者扣之乃張中有觀音梵相文宗愕然命貯以飾金檀香盒後問惟正禪師正曰物無虛應乃啟陛下信心以節用愛人耳因罷貢蛤蜊詔天下寺院各立觀音像

宣宗大中元年有梵僧來潮音洞前燔十指指盡親見大士說法授以七寶石

後五代梁貞明二年日本僧慧鏐從五臺山得觀音像將還本國舟觸新螺礁蓮花當洋舟蔽不前鏐禱曰

使我國衆生無緣見佛當從所向建立精藍有頃舟行竟止潮音洞下居民張氏目覩斯異亟舍所居築菴奉之呼爲不肯去觀音院 按此乃普陀築陀之權輿也爲菩薩親選萬年香火道場名最古雅舊志稱卓菴於雙峯山下今考洞口無所謂雙峯山者豈代久而名易歟自古捨宅建寺之人皆依名刹垂不朽獨張氏寂焉無聞良以今寺非此地故址耳後慈水裘殷玉言於潮公乃懸額洞菴內以表之又設張氏主於外護之旁云

宋神宗元豐三年內殿承旨王舜封使三韓遇風濤大

普陀山志

卷之六 靈異

二

龜負舟危甚舜封惶怖望洞致禱忽覩金色晃耀現大士滿月相珠瓔燦然出自巖洞龜沒舟行還以事聞遂賜名寶陀觀音寺

徽宗崇寧間戶部侍郎劉達給事中吳棫同使高麗及還自羣山島經四晝夜月黑雲翳冥蒙不知所向舟師大怖遙叩寶陀俄神光滿海四屬如晝歷見招寶山遂得登岸

高宗紹興戊辰三月史越王浩偕鄱陽程休甫詣潮音洞寂無所覩一僧指曰巖頂有寶可以下瞰攀援而上瞻顧之際瑞相忽現金色照耀眉目瞭然二人所

見不異惟浩更覩雙齒潔白如玉又傳史浩子彌遠見茶樹上示一目蓋二十年相業之識也

給事中黃龜年禮洞親見紫金自在相朗坐石上偕遊老稚俱見備作贊頌

孝宗隆興元年七月御選德殿夢遊補陀得異兆遂製觀音贊曰猗歟大士本自圓通示有言說爲世之宗明照無二等觀以慈隨感卽應妙不可思

不肯去舊像屢著神異其時郡將卽迎入城爲民祈福未幾有僧至普陀復求嘉木扃戶刻像彌月像成僧不知所在至宋寧宗嘉定間像偶亡一指僧甚懊惋

### 普陀山志

#### 卷之六 靈異

三

後於洞前波間浮一花視之乃向所亡指今所奉菩薩像卽此也

理宗紹定庚寅十月慶元昌國監胡煒禮潮音洞倏見火光獅子盤旋兩目如電及至善財巖童子再現粉而黛眉寶蓋珠鬘森列於前旁現一塔晶彩煥發

淳祐間連歲苦旱浙帥顏頤仲虔禱洞中見大士作歡喜狀甘雨立沛

度宗咸淳丙寅三月范太尉以目疾遣子致禱洞下汲泉歸洗目旣愈復命子來謝洞左大士金現淡煙披拂猶隔碧紗繼往善財洞童子忽現大士亦現縞衣

縹帶珠璣交錯精神顧盼如將示譚

元世祖至元十三年丞相伯顏定江南部帥哈喇歹來謁洞下杳無所見乃張弓引矢射洞而迴及登舟忽見蓮花滿洋驚異悔謝反禱洞中徐見白衣大士童子綽約而過於是莊嚴像設併構殿於洞上

成宗大德五年集賢學士張逢山奉旨祝釐山中至潮音洞見大士相寶冠瓔珞手執楊枝碧玻璃碗護法大神衛翊其前久之不見祥光滿洞

致和元年戊辰四月御史中丞曹立承命降香至洞求現忽見白衣相瓔珞披體次及善財洞童子螺髻素

普陀山志

卷之六

靈異

四

服合掌如生

相傳有嫂姑來禮佛土虔持數年至山而姑天癸適臨

其嫂短之姑亦慚恨不敢入山孤慙舟次潮生路絕

饑不可得餐須臾見一媪持筭相餉屢投小石水中

欸足至舟致餉而去姑甚異之不知誰何也久之嫂

禮佛還訝姑受餉姑曰頃一媪已來飯我矣詰之示

以餉餘嫂知是佛現身返殿亟禱瞻仰蓮座則大士

衣裾猶濕遂名短姑道頭在西南海岸闊四五丈長

三十餘丈小石自相零附不築不甃天然成步

暴風巨浪衝激不散真靈蹟也

此事記載不一大同小異據其近情理者

之記又有七寶階相傳大士欲從舟山築海隄通寺爲凡衆所衝遂止至今泥趾不壞亦道頭類也

明永樂二十一年十月十九日潮音洞現白衣大士龍王龍女長者大權從之辰巳時現開長眼面帶煩惱午時現紫色身面壁西時善財巖外現白衣金冠菩薩坐紅日中韋馱尊天日下立羅漢海上步雲而來二十日卯時洞內又現紫金身

宣德二年四月洞內現閻羅天子玉女一雙隨之

正統二年二月十九日夜洞現寶珠放大光明

萬歷二年甲戌別傳禪師渡海禮大士雲氣中湧出金

普陀山志

卷之六

靈異

五

蓮白衣冉冉示現師及成都僧翠峯見之

八年大智融禪師入山見光熙幽勝欲開闢梵宮乃禱潮音梵音二洞若此地宜奉香火大士當賜指授夜課千步沙見潮擁一大竹根至師曰此大士授我也於是結茅斯地題曰海潮菴云

十四年有杭州僧天然居補陀其母持齋奉佛常募金錢盡致補陀一日化得菩薩像頸金鑄以授天然天然見金頸心動謀工人剝其金工立死他日母來自海上將及山天然已先知高聲罵詈曰冤家害我者至矣見卽批其母頰取刀自裂其頸遠山數匝颺言



日汝輩莫我若若我地獄在眼前矣遂死○按法兩  
寺二世如壽禪師字天然大智高徒志稱爲戒行精  
卓者今此條亦爲普陀僧天然心甚疑之細閱舊志  
如壽係河南人萬歷十八年住持後謝事退居精廬  
至四十年壬子冬示寂此則係萬歷十四年有杭州  
僧天然云云始恍然其爲同名無疑乃陳志內不知  
何故以十四年轉爲四十年又刪去杭州二字不爲  
表出將不免拖累會參矣

十八年庚寅十月寺僧有相訟者郡丞龍德孚素信佛  
詣寺鞠僧疑其不守戒律也取法華經燬之令僧跨

普陀山志

卷之六

靈異

六

焉夜夢神人傳佛旨曰奉道毀道罪在不宥罰作三  
石牛畜官蓋冥官也孚力求懺悔僧大智亦助之求  
解已乃夢曰願償經乎用百當一孚唯唯返郡亟印  
百部以進嚮道彌篤

國朝順治初海寇阮俊與日本僧謀將明賜藏經載入日  
本山僧照中率數百人至舟山哀求不已阮怒曰汝  
欲得經當向龍宮水府求之遂裝入東洋大魚攔舟  
不得動者數日阮乃悔過亟返不半日舟達道頭僧  
衆歡迎仍安藏殿

康熙三年元旦衆僧見山中有白光如虹從佛殿頂貫

至小洛伽山大士衣白衣乘光而度識者預知寺有難事作矣

四年五月紅毛番人到山住半月盡攜鑄佛旛幢等物

往日本貿易得金二十餘萬將歸本國船忽失火自

焚番俱溺海死

僧既內徙土寇以火鎔圓通大殿金範大士像像鎔延

燒及殿賊不得出焚死者無算

十年壬子春汛諸軍伍泊舟洛伽入大士殿清淨如

平時出門毒蛇如蝟張口噴氣諸軍懼而奔避又有

獐犬成羣出噬進退無門死傷無數人以爲起遣之

普陀山志

卷之六

盤異

七

報

是年寧波水師出洋歸時兵丁盜藏補陀銅像甫解維

風浪大作此舟沉重將覆主將疑而搜之送還舟乃

獲全

又有斧劈沉檀像及盜贓中物併將銅像打碎包歸圖

賣中途陡起風潮主帥驚叩哀禱歸不踰年皆受慘

報

二十八年春

聖駕自禹陵回御獨木龍頭小艇將到禾城忽見老嫗當

頭簪紅花一朵獨操小舟直過

御前上問何船曰魚船有魚否曰有欲買乎言訖而去不知所往凌晨

上闕古刹久廢遂發帑金千兩修建二寺蓋大士現身變化不可思議而道場之復先顯靈應也總鎮黃大來親見其事

二十九年六月二十九日定鎮藍公理謁梵音洞親見大士現身大眉赤面鬚鬚眼露青白光鼻準微有白點冠金圈大火燄衣黃黑色闊領方袍微似達磨狀頭頂俱見後但露一手又見一小佛赤脚立大士頂上公叩謝不已倏無所覩

普陀山志

卷之六 靈異

八

三十年茶山寶稱菴僧慧如因大士像壞載募雲間月餘無施者一日夜深私置大中丞王公儼齋門是夕袁夫人夢一婦人素衣淡妝云自補陀來化衣单夫入告公公亦適得是夢次早問閭人知爲大士相也呼僧入許爲新像送至山中

學士高公士奇感應說云山妻傅氏素信佛誦金剛經壬申四月疾自知不起二十七日辰刻暈眩少時復甦口中惟誦金剛經言佛力無邊若修南海普陀寺大殿可延生兩年至五月初四日長逝彌留之頃余云若爾冥途果無苦累當以夢告我山妻點首者再

今年二月十七日大兒輿方夜坐忽汀下頭眩思寢  
夢至靈隱有老僧十七八人遊行林間一僧曰汝欲  
見汝母耶可入我袖中攜汝往南海少頃至一山環  
視空闊殿宇巍峩額曰普莊嚴殿衆僧圍繞誦經并  
說偈云修理大殿功德世生生永不墜三途惡道  
生天人中受勝妙樂少頃見母黃衫襯淡紅衣素裙  
合掌云金剛般若量同虛空恩霑大千利周沙界天  
上人間最重此經我今承佛力已能記憶不失一字  
無去無來現在發菩提心永不退轉寄語汝父勿懸  
念我驟聞水聲而寤輿性篤實不能誑語因筆記之

普陀山志

卷之六

靈異

九

其衫裙十月朔日余所焚輿不知者

五十年五月初一日知府馬柱石到山啟建祝釐道場  
感大士放金色大圓光於清涼山岡移時方散兩寺  
生持有偈志其事



